

Kouland 2

Episode 8: Taai Toffie

Kerngedagte : Skuldgevoelens is 'n baie taai toffie om aan te kou. Dit kan ons vinnig laat voel dat die fout wat ons gemaak het verander in 'n fout wat ons geraak het.

Doelwit : Kinders gaan nadink oor die manier waarop hulle skuldgevoelens hanteer

Steltekste: Johannes 3:17

Bybelverhaal: Jesaja word geroep - Jesaja 6



Watter soort toffie was al die taaiste vir jou om aan te kou? Miskien 'n lekker Wilson Toffie wat al bietjie oud geword het en kliphard is? Miskien 'n fizzer wat so taai is dat dit sommer aan jou tande vassit. "'n Toffie so taai dat jy skoon soos 'n bees voel wat loop en herkou.

Skuldgevoel kom wel nie in 'n toffie geur nie, maar dit is sekerlik een van die taaiste toffies wat elke mens al herkou het in hul gedagtes en harte. Dit het die manier om elke mens tot stilstand te bring, want hoe meer mens dink aan dit, hoe dieper kan skuldgevoel oorneem. Dit is eers wanneer mens kniediep in die skuldgevoel kom wat 'n mens werklik in gevaar is. Die fout waaroor jy skuldig voel verander van die fout wat jy gemaak het – na die fout wat jy geraak het. Dit is wanneer skuldgevoel oor 'n saak op die 'n punt gekom het waar jy nie verby jou fout kan leef nie.

Hoe dink die Here dan oor die skuldgevoelens waarmee ons rondloop? Alhoewel ons 'n God van liefde en vergifnis dien, kan Hy jou nie loskoop van jou sonde indien jy Hom nie toelaat nie. Die Heilige Gees plaas dikwels swaar dinge op ons hart wat ons maklik skuldig kan laat voel. Dit is juis in Sy lig wat die donker foute wat ons maak uitgelig word. Sou die Here dan wou hê ons moet rondloop en herkou aan ons foute en onself dieper in ons skuld toe grawe? Sou so 'n mens daadwerklik die roeping kan uitleef wat die Here op sy/haar lewe geplaas het as jy 'n gevangene van jou eie foute is?

Jesaja is een van die mees bekende profete van die Ou Testament. In Jesaja 6 lees ons dat die Here aan Jesaja verskyn het. Toe Jesaja die Almag en Glorie van die Here aanskou het, het hy hard uitgeroep *"dit is klaar met my."*

Jesaja het net daar besef hoe vol sonde en onrein hy is. Toe hy die volmaaktheid van God aanskou, kon hy nie langer voor die Here wees met al sy foute en sonde nie. Die Here stuur toe 'n spesiale engel af na Jesaja om sy lippe met 'n koolvuur aan te raak. Die engel sê toe vir Jesaja *"Nou dat die gloeiende kool jou lippe aangeraak het, is jou oortredinge vergewe en jou sonde versoen."* Die Here het daarna gevra wie bereid sal wees om gestuur te word. Jesaja het met groot vreugde uitgeroep dat die Here hom moet stuur. *"Hier is ek Here, stuur my."*

Baie keer dink ons dat skuldgevoelens 'n slegte ding is. Ons wil dit liefsvorm of selfs onself uit die skuldgevoel praat. Ander kere kies ons om aan die skuldgevoel te herkou en dit te oordink. Ons raak so vasgevang in die fout wat ons gemaak het, dat ons kies om self die fout te raak. Ons straf onself en haal onself uit die geleentheid uit om diensbaar te wees, omdat ons nie verby die fout kan leef nie.

Waarom sal die Here dan vir ons skuldig laat voel oor ons oortredings net sodat dit soos 'n vonnis oor ons kop kan hang? Die waarheid is dat skuldgevoel nie 'n vonnis is nie, maar wel 'n uitnodiging. Wanneer jy met skuldgevoel in ou hart loop, nooi die Heilige Gees jou uit om jou foute en skuldgevoelens na Jesus toe te bring. Hy het reeds die prys betaal om jou los te koop. Om die skuld langs jou naam af te skryf en 'n nuwe begin te gee.

Johannes 3:16 is een van die mees bekende stukke in die Bybel. Ons lees daar dat God die wêreld so lief gehad het dat Hy Sy enigste Seun prysgegee het om ons te red. In vers 17 brei hierdie stuk uit oor die uiterstes wat Jesus sal deurgaen om ons te red. Hy het nie gekom om ons te veroordeel oor die oortredings wat ons gedoen het nie, maar het juis gekom om ons te red daarvan. Wanneer ons soos Jesaja besef dat ons te onrein is om voor God te verskyn, kom ons tot die besef dat niks van ons oortredings, skuldgevoelens of sonde vir Hom weggesteek kan word nie. Jesaja het Homself voor God oopgemaak sodat God sy totale hart kon deursoek. Toe stuur die Here 'n spesiale engel om Hom aan te raak en Jesaja is vergewe. Wanneer ons op die punt kom om te besef dat niks van ons foute vir God onbekend is nie, kan ons ook werklik ons totale hart voor Hom oopmaak. God het reeds Sy Enigste Seun gestuur om jou lippe en jou hart aan te raak en jou te vergeef van die dinge wat jou hart vuilmaak. Die vraag is, kan jy jouself nou vergeef deur die redding wat daar in Jesus is?

Glo jy werklik dat die Kruisdood van Jesus genoeg wat om jou te red van jou oortredings? Glo jy werklik dat totale vergifnis sonder veroordeling gebeur wanneer jy jou sondes voor Sy voete bring? As jy dit werklik glo, kan jy ook soos Jesaja jou hand opsteek en sê "Here, hier is ek, stuur my."

Aktiviteit 1 - Taaieste toffie om te kou, skuldgevoel wat jou laat kreun en vou

Ysbreker:

1. Deel vir elke kind 'n Fizzer Toffie uit. **Sê in jou eie woorde:** Kom ons verbeel onself dat hierdie taai toffie iets is waaroor jy skuldig voel.
2. Laat die kinders dit nou in hul monde sit en 'n paar keer kou. Kinders moet nou die toffie in hul monde versprei dat dit vassit aan hul kiestande aan beide kante van hul monde. **Sê in jou eie woorde:** Net soos wat die toffie nou so taai is en jou tand eteen mekaar laat vassit, draai ons later onself so vas in ons skuldgevoel. Hoe meer ons daaroor dink, hoe meer skuldig voel ons. Later begin os dink dat die fout wat ons gemaak het verander in 'n fout wat ons geraak het. Dit beteken jy begin voel soos 'n fout.
3. **Sê in jou eie woorde:** Wie van julle ken die woorde van Johannes 3:16. Daar lees ons van God se liefde. Vriende, die gevaar is dat ons partykeer so sukkel met goed wat ons skuldig oor voel, dat ons nie ikan dink dat God vir ons lief kan wees nie. Laat die kinders nou Johannes 3:16 sê sonder om hul kake van mekaar te lig of hul tonge in hul monde te beweeg.
4. **Sê in jou eie woorde:** As iemand hier sou instap sou hulle nie weet wat ons besig is om te doen nie. Mens kan nie hoor wat julle sê nie, want die taai toffie in julle monde keer julle om te praat. Skuldgevoel, maak ook baie keer dat ons nie die lewe kan leef wat God graag wil hê ons moet leef nie.
5. Sluk nou die toffie in, dan sê julle saam met my Johannes 3:17 se woorde:
God het sy Seun na die mense toe gestuur,
maar nie om die mense te straf nie.
Nee, God het Hom gestuur
om hulle te red. - Johannes 3:17
6. **Sê in jou eie woorde:** Sien julle hoe mooi kon ons nou almal hoor wat ons sê. Ons moes eers van die taai toffie ontslae raak. Baie keer wil ons nie laat gaan van 'n fout wat ons gemaak het nie. Ons weet dat Jesus sê Hy vergewe ons sonde, maar ons is te skaam om met Hom daaroor te praat. Dit is eers wanneer ons besef dat Jesus juis gekom het om al ons sonde weg te vat as ons dit vir Hom gee wat ins vergewe kan word.

Gaan lees Johannes 3:16-21

1. Dink julle dit is 'n goeie of 'n slegte ding om skuldig te voel? Waarom?
2. Hoe kan skuldgevoel as 'n goeie ding gesien word?
(Uitnodiging van die Heilige Gees om met Jesus daaroor te praat wat jou sleg laat voel)
3. Hoe kan skuldgevoel 'n slegte en gevaarlike ding raak?
(As jy nje na Jesus toe gaan met jou fout nie gaan jy later begin dink dat die fout wat jy gemaak het verander in die fout wat jy is. Jy gaan later niks meer wil doen nie en niks meer vir iemand ander wil beteken nie, want jy gaan dink jy is 'n fout)

Instruksies:

1. Deel vir elke kind die volgende uit: 'n Kruis aktiwiteitsvel uit
: 'n Stelletjie kleiner nota bladsy tjies
2. Laat die kinders nou die kruis versier en daarna moet hulle die nota bladsy tjies aan die onderste bladsy vasplak teen die kruis.
3. Verduidelik vir kinders dat hulle hierdie aktiwiteitsvel kan gebruik wanneer hulle skuldig voel oor iets. Kinders kan dit wat hulle oor skuldig voel neerskryf op die klein bladsy tjie en daaroor bid. Daarna moet hulle dit uitskeur uit die notaboekie en die bladsy weggooi. Net soos wat hulle die bladsy uitskeur, moet hulle dink aan die redding wat daar in Jesus is. Hulle kan hulself vergewe van die skuld, want Jesus het die volle prys daarvoor betaal.
4. Daarna kan kinders bid en vir die Here vra om hulle te stuur om dinge reg te maak waar skade gemaak is, of om hulle te stuur om vir ander te wys hoe hulle ook gered kan word in Jesus.

Aktiwiteit 2 - Jesaja

Sê die volgende in jou eie woorde: Jesaja het eers regtig besef hoe groot sy sonde was, toe Hy die Here gesien het. Baie keer dink ons dat skuldgevoelens 'n slegte ding is. Ons wil dit liefsvormig of selfs onself uit die skuldgevoel praat. Ander kere kies ons om aan die skuldgevoel te herkou en dit te oordink. Ons raak so vasgevang in die fout wat ons gemaak het, dat ons kies om self die fout te raak. Ons straf onself en haal onself uit die geleentheid uit om deur God gebruik te word. Die Here laat ons nie skuldig voel om vir ons te laat voel of ons niks kan beteken nie. Skuldgevoel is 'n uitnodiging van die Here om met dit waaroor jy sleg voel na Hom toe te gaan. Die waarheid is dat skuldgevoel nie 'n vonnis is nie, maar wel 'n uitnodiging. Wanneer jy met skuldgevoel in ou hart loop, nooi die Heilige Gees jou uit om jou foute en skuldgevoelens na Jesus toe te bring. Hy het reeds die prys betaal om jou los te koop. Om die skuld langs jou naam af te skryf en 'n nuwe begin te gee. Dit is wat Hy vir Jesaja gedoen het en dit is wat Hy ook vir jou wil doen. Glo jy dit?


Gesels oor die volgende terwyl die kinders hul aktiwiteit velle versier:

4. Op watter manier vergewe Jesus wanneer ons met ons foute na Hom toe kom?
5. Waarom dink julle sukkel mense so om hulleself te vergewe?
6. Hoe kon die Here Jesaja se lewe gebruik het toe Jesaja sy foute na Hom toe gebring het?
7. Hoe kan die Here jou gebruik wanneer jy met jou foute na Hom toe gaan?

Ons stukkies vir vandag is in Johannes 3:16-21

8. Hoe het God Sy liefde bewys aan ons?
9. Waarom is Jesus gestuur na die wêreld?
10. Hoe kan jy 'n taai toffie en ook hierdie vers gebruik om iemand te help wat met skuldgevoel sukkel?

Om met skuldgevoel te sukkel is 'n ernstige saak, dit is taaier as 'n toffie wat jou kake vas laat haak.
Skuldgevoel wat rond dwaal en groei in jou kop, beweeg later na jou hart en laat jou voel soos 'n flop.
Wees versigtig dat die fout wat jy maak, jou later laat voel soos 'n fout wat jy raak.
Maak al hierdie skuld liewer 'n Jesus saak.
Deel met Hom al jou foute, skuld en seer, Hy vergewe sondes, Hy doen dit weer en weer.
By Sy voete vind jy vergifnis en kan jy skoon begin,
sodat Hy jou kan wys hoe om dinge reg te maak
en reg oor die saak te besin.



Jesus aan hierdie
kruis maak ek my
hart voor U oop,
U liefde het my van
my skuld vrygekoop!

God het sy Seun na die mense toe gestuur, maar nie om die mense
te straf nie. Nee, God het Hom gestuur om hulle te red. -

Johannes 3:17

Naam:.....

Jesaja bring sy taaiste toffies - Jesaja 6

Toe Jesaja die Here op Sy troon sien sit,
 val Hy neer en begin hartseer daaroor te bid,
 "Dit is klaar met my, ek is verlore",
 want Jesaja besef hy is in sonde gebore.
 Nou dat ek die Almag van my Here kon sien,
 is ek heeltetal te sondig om Hom te kan dien.
 Die skuld, seer en sonde begin Jesaja toe te pak,
 soos die taaiste toffie wat sy kake vas laat haak.
 Die Here stuur toe 'n spesiale engel, om sy lippe aan te raak.
 Jou oortredings is vergewe, jou sondes is versoen,
 laat jou skuld jou nie langer keer om die Here se wil te doen.
 "Wie sal ek stuur?" vra die Here en wou weet,
 "Hier is ek Here, roep Jesaja "stuur my ek is gereed!"

Stel jou saak voor die Here en maak jou hart oop,
 Jesus het reeds die pad van vergifnis geloop.
 Hou op kou aan die sonde wat jy dra,
 Jesus wil dit wegneem as jy net glo en vra.
 Mag skuld en verwyt jou nooit weer keer,
 om die wil te doen van die Liewe Heer.



God het sy Seun na die mense toe gestuur, maar nie om die mense te straf nie. Nee, God het Hom gestuur om hulle te red.

- Johannes 3:17

Kouland 2 : Familie Studie

Dierbare Koubouters Skatte!

Dit was omtrent 'n bedrywige dag in die fabriek vandag gewees. Vandag het ons geleer dat dit baie gevaarlik is om aan skuldgevoelens vas te hou. Wanneer ons self dit wil hanteer wat ons oor skuldig voel, gaan ons onself net dieper in die skuld grou. Amper soos 'n taai toffie wat in jou tande vassit. Die enigste manie om werklik vergewe te word van ons skuld, is om ons harte voor Jesus oop te maak.

Koubouter Koukis:

Ysbreker:

1. Deel vir elke kind 'n Fizzer Toffie uit. **Sê in jou eie woorde:** Kom ons verbeel onself dat hierdie taai toffie iets is waaroor jy skuldig voel.
2. Laat die kinders dit nou in hul monde sit en 'n paar keer kou. Kinders moet nou die toffie in hul monde versprei dat dit vassit aan hul kiestande aan beide kante van hul monde. **Sê in jou eie woorde:** Net soos wat die toffie nou so taai is en jou tand eteen mekaar laat vassit, draai ons later onself so vas in ons skuldgevoel. Hoe meer ons daarvoor dink, hoe meer skuldig voel ons. Later begin ons dink dat die fout wat ons gemaak het verander in 'n fout wat ons geraak het. Dit beteken jy begin voel soos 'n fout.
3. **Sê in jou eie woorde:** Wie van julle ken die woorde van Johannes 3:16. Daar lees ons van God se liefde. Vriende, die gevaar is dat ons partykeer so sukkel met goed wat ons skuldig oor voel, dat ons nie kan dink dat God vir ons lief kan wees nie. Laat die kinders nou Johannes 3:16 sê sonder om hul kake van mekaar te lig of hul tonge in hul monde te beweeg.
4. **Sê in jou eie woorde:** As iemand hier sou instap sou hulle nie weet wat ons besig is om te doen nie. Mens kan nie hoor wat julle sê nie, want die taai toffie in julle monde keer julle om te praat. Skuldgevoel, maak ook baie keer dat ons nie die lewe kan leef wat God graag wil hê ons moet leef nie.
5. Sluk nou die toffie in, dan sê julle saam met my Johannes 3:17 se woorde:
God het sy Seun na die mense toe gestuur,
maar nie om die mense te straf nie.
Nee, God het Hom gestuur
om hulle te red. - Johannes 3:17

6. **Sê in jou eie woorde:** Sien julle hoe mooi kon ons nou almal hoor wat ons sê. Ons moes eers van die taai toffie ontslae raak. Baie keer wil ons nie laat gaan van 'n fout wat ons gemaak het nie. Ons weet dat Jesus sê Hy vergewe ons sonde, maar ons is te skaam om met Hom daaroor te praat. Dit is eers wanneer ons besef dat Jesus juis gekom het om al ons sonde weg te vat as ons dit vir Hom gee wat ins vergewe kan word.

Gaan lees Johannes 3:16-21

1. Dink julle dit is 'n goeie of 'n slegte ding om skuldig te voel? Waarom?
2. Hoe kan skuldgevoel as 'n goeie ding gesien word?
(Uitnodiging van die Heilige Gees om met Jesus daaroor te praat wat jou sleg laat voel)
3. Hoe kan skuldgevoel 'n slegte en gevaarlike ding raak?
(As jy nje na Jesus toe gaan met jou fout nie gaan jy later begin dink dat die fout wat jy gemaak het verander in die fout wat jy is. Jy gaan later niks meer wil doen nie en niks meer vir iemand ander wil beteken nie, want jy gaan dink jy is 'n fout)

Wenk: Is hierdie boek in die Ou Testament of Nuwe Testament geskryf?

4. Op watter manier vergewe Jesus wanneer ons met ons foute na Hom toe kom?
5. Waarom dink julle sukkel mense so om hulleself te vergewe?
6. Hoe kon die Here Jesaja se lewe gebruik het toe Jesaja sy foute na Hom toe gebring het?
7. Hoe kan die Here jou gebruik wanneer jy met jou foute na Hom toe gaan?
8. Hoe het God Sy liefde bewys aan ons?
9. Waarom is Jesus gestuur na die wêreld?
10. Hoe kan jy 'n taai toffie en ook hierdie vers gebruik om iemand te help wat met skuldgevoel sukkel?



Dankie, vir julle saamleer vandag. Fluit-fluit ons kuier is uit, gaan versprei nou hierdie geloofsles vêr en wyd!

Skryf iemand se naam neer met wie jy hierdie boodskap gaan deel: